

**MESYUARAT PERTAMA PENGGAL KETIGA
DEWAN UNDANGAN NEGERI PULAU PINANG
YANG KEEMPAT BELAS
17 APRIL 2020**

PERKARA : 5(B)(XII)2

**SOALAN BERTULIS OLEH AHLI KAWASAN SUNGAI DUA
YB. DATO' MUHAMAD YUSOFF BIN MOHD NOOR**

2. Sila jelaskan pembangunan mampan dan seimbang seperti yang diwar-warkan oleh UN-Habitat dan matlamatnya di Pulau Pinang.
 - (a) Jelaskan agenda perbandaran baru oleh KNPP dan sehingga Disember 2019, berapa peruntukan yang telah dibelanjakan dan untuk apa pelaksanaannya?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

2. Matlamat Pembangunan Mampan (*Sustainable Development Goals* atau SDG) adalah kumpulan matlamat yang perlu dicapai menjelang tahun 2030 yang terdiri daripada 17 matlamat utama seperti berikut:
 - (i) Menamatkan kemiskinan dalam semua bentuk;
 - (ii) Mengakhiri kelaparan, mencapai keselamatan makanan dan meningkatkan nutrisi dan mempromosikan pertanian yang mampan;
 - (iii) Memastikan kehidupan yang sihat dan menggalakkan kesejahteraan untuk semua;
 - (iv) Memastikan pendidikan berkualiti, inklusif dan saksama dan menggalakkan peluang pembelajaran sepanjang hayat untuk semua;

- (v) Mencapai kesaksamaan gender dan memperkasakan wanita dan kanak-kanak perempuan;
 - (vi) Memastikan ketersediaan dan pengurusan air dan sanitasi yang mampan;
 - (vii) Memastikan akses kepada tenaga yang mampu dimiliki, mampan dan moden untuk semua;
 - (viii) Menggalakkan pertumbuhan ekonomi mampan, inklusif, gunatenaga penuh, produktif dan kerja yang bersesuaian untuk semua;
 - (ix) Membina infrastruktur berdaya tahan, menggalakkan perindustrian inklusif, mampan dan inovasi;
 - (x) Mengurangkan ketidaksamaan kawasan;
 - (xi) Menjadikan bandar dan penempatan manusia inklusif, selamat, berdaya tahan dan mampan;
 - (xii) Memastikan penggunaan dan corak pengeluaran mampan;
 - (xiii) Mengambil tindakan segera untuk memerangi perubahan iklim dan kesan-kesannya;
 - (xiv) Memulihara dan memelihara pantai dan serta sumber marin bagi pembangunan mampan;
 - (xv) Melindungi, memulihkan dan menggalakkan penggunaan mampan, ekosistem daratan dan menghentikan kemusnahan tanah dan serta kepelbagaian *biodiversity*;
 - (xvi) Menggalakkan masyarakat aman dan inklusif untuk pembangunan mampan untuk semua peringkat; dan
 - (xvii) Mengukuhkan kaedah pelaksanaan.
- (a) Matlamat SDG adalah untuk meneruskan Agenda Perbandaran 2030 bagi mencapai keseimbangan sosial, ekonomi dan alam sekitar. Di Pulau Pinang, matlamat ini akan dapat dicapai dengan mengintegrasikan dan mengimbangi tiga dimensi tersebut dalam setiap peringkat pelaksanaan Kerajaan Negeri yang turut meliputi bidang

tugas Pihak Berkuasa Tempatan. Agenda Perbandaran Baru (NUA) adalah dokumen yang akan mencorakkan hala tuju pembangunan dan kesejahteraan bandar untuk tempoh 20 tahun akan datang. 5 aspek utama yang disentuh di dalam NUA adalah seperti berikut:

- (i) Dasar Perbandaran Negara
- (ii) Perundangan dan Peraturan Perbandaran
- (iii) Reka bentuk dan Perancangan Perbandaran
- (iv) Sistem Kewangan Majlis Perbandaran dan Ekonomi Bandar; dan
- (v) Pelaksanaan Tempatan

Antara usaha-usaha dan pencapaian Kerajaan Negeri dalam Agenda Perbandaran Baharu adalah apabila Kerajaan Negeri melancarkan Agenda Hijau Pulau Pinang (AHPP) yang bertujuan untuk menghasilkan strategi-strategi serta membina komuniti Pulau Pinang yang berdaya tahan dalam menghadapi cabaran alam sekitar menjelang tahun 2030. Fasa pertama AHPP telah dijalankan untuk mengenal pasti isu-isu utama alam sekitar di Pulau Pinang melalui perundingan dengan pihak berkepentingan.

Hasil yang diperolehi pada fasa pertama telah menentukan skop fasa kedua bagi penggubalan dasar dan visi Negeri Pulau Pinang menjelang tahun 2030 iaitu menjadi negeri yang paling hijau di Malaysia dengan dipacu oleh ekonomi hijau, tadbir urus inovatif melalui perkongsian 4P (*Partnership*); *Public* (Awam), *Private* (Swasta), *People* (Rakyat), dan Profesional serta pembangunan agenda mampan.

Bagi fasa kedua AHPP, Kerajaan Negeri telah menubuhkan kumpulan kerja untuk mengkaji isu-isu strategik yang membawa impak besar kepada hala tuju pembangunan negeri. Ahli kumpulan kerja AHPP adalah terdiri penggubal dasar, pegawai awam, pengamal dan ahli akademik, wakil masyarakat sivil termasuk peniaga. Input yang diperolehi daripada kumpulan kerja ini telah mewujudkan pelan hala tuju bagi mencapai matlamat pembangunan mampan (SDG);

Selain itu, Kerajaan Negeri Pulau Pinang melalui Majlis Bandaraya Seberang Perai (MBSP) pula telah merancang pembangunan mampan dan seimbang melalui Pelan Strategik yang disediakan bagi tempoh lima tahun iaitu 2018 - 2022. Perincian pelan strategik ini dimasukkan dalam *Seberang Perai Corporate Priorities* dengan mengambil kira *Sustainable Development Goals* oleh *UN Habitat* dan juga *Penang2030* oleh Kerajaan Negeri Pulau Pinang. Matlamatnya adalah untuk menjadikan Seberang Perai Resilient, Inklusif, Hijau, Kompetitif dan Bandar Pintar Dipacu oleh Teknologi.

Agenda MBSP yang baharu adalah 'Hala Tuju Strategik ke Arah Bandaraya Seberang Perai yang Mampan dan Lestari' telah memperuntukkan sejumlah RM3,545,761 dibelanjakan pada tahun 2019. Pelaksanaan projek adalah seperti berikut:

Bil.	Jenis Projek	Perbelanjaan 2019 (RM)
1.	Projek Pelebaran Jalan	187,052.00
2.	Pemasangan Lampu Hiasan	99,814.00
3.	Projek Rendah Karbon	499,051.00
4.	Pembinaan Parit-Parit	209,888.00
5.	Rancangan Memaju, Membersih Dan Memperelok Am	328,124.00
6.	Membekal Dan Memasang Alat Permainan	513,936.00
7.	Peruntukan Khas Untuk OKU	35,780.00
8.	Projek-Projek Jawatankuasa Majlis	1,672,115.00
	Jumlah Keseluruhan	3,545,761.00